

საქართველოს კომუნიკაციების ეროვნული კომისიის
2014 წლის 6 მოემბრის №620/9 გადაწყვეტილების საფუძველზე
წარმოგიდგინო შპს „ივერია ქსელი“ ქ. ბუგდილში სპილენძის სახაზო-საკაბელო წყვილების
რესურსებთან დაშვების შეთავაზების წინადადებას (მოწვევის ოფერტი)

1. სპილენძის სააბონენტო სახაზო-საკაბელო წყვილების რესურსებთან დაშვება ხორციელდება შემდეგი პირობებით:

1.1 შპს „ივერია ქსელი“ სპილენძის სააბონენტო სახაზო-საკაბელო წყვილების რესურსებთან დაშვებას ახორციელებს ქ. ბუგდილის გეოგრაფიულ სეგმენტზე.

1.2 სპილენძის სააბონენტო სახაზო-საკაბელო წყვილების სრული სიმძლავრე შეადგენს 4230 წყვილს.

2. სპილენძის სახაზო-საკაბელო წყვილების რესურსებთან დაშვების ტარიფები და ანგარიშსწორების პირობები:

2.1. სპილენძის სახაზო-საკაბელო წყვილების რესურსებთან დაშვების ტარიფი შეადგენს - 2.6 ლარს წყვილზე თვის განმავლობაში (ტარიფი მოცემულია დღგ-ს ჩათვლით).

2.2. დაშვების მსურველმა ოპერატორმა უნდა წარმოადგინოს მოთხოვნა სპილენძის სახაზო-საკაბელო წყვილების რესურსებთან დაშვებაზე და საბანკო გარანტია გადახდის უზრუნველყოფის მიზნით;

2.3. მომსახურების გადახდა განხორციელდება საანგარიშო თვის მომდევნო თვის 20 რიცხვამდე, შედგენილი საოქმო გადაწყვეტილების და წარმოდგენილი ანგარიშ-ფაქტურის საფუძველზე. თუ არსებობს წინააღმდეგობა მხარეთა მიერ წარმოდგენილ მონაცემებს შორის, ანგარიშსწორება იწარმოებს ორმხრივად შეთანხმებულ ანუ არასადაო ნაწილზე, ხოლო სადაო ნაწილზე მხარეები წერილობითი ფორმით მიმართავენ ერთმანეთს. პრეგნზიის წარდგენიდან 5 (ხუთი) დღის ვადაში მხარეები ქმნიან ერთობლივ კომისიას, რომელიც 5 (ხუთი) სამუშაო დღის ვადაში შეისწავლის საკითხს და წარადგენს თავის დასკვნას. იმ შემთხვევაში, თუ შეთანხმება არ იქნება მიღწეული მხარე უფლებამოსილი იქნება მიმართოს საქართველოს კომუნიკაციების ეროვნულ კომისიას ან/და სასამართლოს, გამომდინარე დავის საგნიდან. კომისიისთვის ან/და სასამართლოსთვის მიმართვა არ აჩერებს შემდგომი თვეების შეთანხმებული ანგარიშსწორების ვალდებულებას.

2.4 ანგარიშსწორების ვადების დარღვევის შემთხვევაში შპს „ივერია ქსელი“ უფლებამოსილია დაარიცხოს მეორე მხარეს პირგასამტეხლო ყოველ ვადაგადაცილებულ დღეზე არ გადახდილი თანხის 0.1%.

3. სპილენძის სახაზო-საკაბელო სააბონენტო

წყვილების რესურსებთან დაშვების პირობები და პროცედურები

3.1 მსურველი ოპერატორი დაიშვება სახაზო-საკაბელო სააბონენტო წყვილების რესურსებთან შემდეგ მისამართებზე: ბუგდილი კოსტავას ქ. № 5ა.

3.2. სახაზო-საკაბელო სააბონენტო წყვილების რესურსებთან, მსურველი ოპერატორის დაშვება მოხდება ისეთ ფართზე სადაც შ.პ.ს. „ივერია ქსელი“ უზრუნველყოფს 24 საათიან მეთვალყურეობას, დაცული იქნება ტექნოლოგიური რეჟიმი და კონდენციებისთან დაკავშირებული მოთხოვნები.

3.3 სახაზო-საკაბელო სააბონენტო წყვილების რესურსებთან დასაშვებად მსურველი ოპერატორი ვალდებულია: ა) გააფორმოს ხელშეკრულება წინამდებარე ოფერტის პირობების გათვალისწინებით; ბ) შ.პ.ს „ივერია ქსელის“ თანალოკაციის ფართიდან სასადგურო კროსამდე მიიყვანონ სააბონენტო კაბელი, რომელიც მიერთებული იქნება კროსის ჩარჩოზე; გ) შ.პ.ს. „ივერია ქსელის“ ფართზე სამუშაოები აწარმოოს სამუშაო საათებში და არ დაუშვას უსაფრთხოების, ხანძარსაწინააღმდეგო და სისუფთავის ნორმების დარღვევა.

3.4 განმცხადებელი ვალდებულია წარმოადგინოს:

- ა) ავტორიზაციის დამადასტურებელი დოკუმენტი (მხოლოდ პირველი მიმართვისას, ან იმ შემთხვევაში თუ ბოლო მიმართვიდან გასულია 3 თვეზე მეტი);
- ბ) ამონაწერი სამეწარმეო რეესტრიდან (მხოლოდ პირველი მიმართვისას, ან იმ შემთხვევაში თუ ბოლო მიმართვიდან გასულია 3 თვეზე მეტი);
- გ) უფლებამოსილი პირის პირადობის მოწმობის ასლი (მხოლოდ პირველი მიმართვისას, ან იმ შემთხვევაში თუ ბოლო მიმართვიდან გასულია 3 თვეზე მეტი);
- დ) სრულად შევსებული განაცხადი იგზავნება ფოსტით მისამართზე შპს „ივერია ქსელი“, კოსტავას 5ა, ბუგდიდი, საქართველო;
- ე) წარმოდგენილ განაცხადში დაფიქსირებული უნდა იყოს განმცხადებლის დასტური რომ იგი გაცნობილია, ეთანხმება და უპირობოდ შეასრულებს წინამდებარე ოფერტაში დაფიქსირებულ ყველა პირობას;

3.5. განმცხადებელს განაცხადის გაკეთების მომენტისათვის არ უნდა გააჩნდეს შპს „ივერია ქსელის“ წინაშე შესასრულებელი ფინანსური ვალდებულება (დავალიანება).

3.6. განმცხადებლის მიმართვიდან 2 სამუშაო დღის ვადაში შპს „ივერია ქსელი“ შეისწავლის აკმაყოფილებს თუ არა განმცხადებლის მიერ წარმოდგენილი დოკუმენტაცია და წერილობითი განცხადება 3.4 მუხლში დაფიქსირებულ მოთხოვნებს. თუ კი 3.4 მუხლით დაფიქსირებული რომელიმე ერთი მოთხოვნა მაინც არ შესრულდა ან/და განმცხადებელს აქვს დავალიანება შპს „ივერია ქსელის“ მიმართ, განმცხადებელს უბრუნდება განაცხადი და ჩაითვლება რომ განმცხადებლის მიერ აქცეპტი არ გაკეთებულა.

3.7. სპილენძის სახაზო-საკაბელო სააბონენტო წყვილების რესურსებთან დაშვებაზე შპს „ივერია ქსელთან“ ხელშეკრულების გაფორმების შემდეგ, განმცხადებელი, ახალ რესურსთან დაშვების მოთხოვნით მომართავს შპს „ივერია ქსელს“ წერილობით და წარუდგენს შემდეგ ინფორმაციას:

- ა) აბონენტის საგელეფონო ნომერი;
- ბ) აბონენტის სახელი გვარი;
- გ) აბონენტის მისამართი;
- დ) დაშვების მსურველი ოპერატორის ჩარჩოზე არსებული სახაზო-საკაბელო წყვილის ტექნიკური მონაცემები.

3.8. განმცხადებლის მიმართვიდან 3 სამუშაო დღის ვადაში, შპს „ივერია ქსელი“ შეისწავლის შეესაბამება თუ არა განმცხადებლის მიერ წინამდებარე ოფერტის 3.7. მუხლის მიხედვით წარმოდგენილ განაცხადში მოყვანილი მონაცემები შპს „ივერია ქსელის“ ბაზებში არსებულ მონაცემებს (მათ შორის, ხდება ნომრის რესურსის ხელმისაწვდომობის ფაქტის შესწავლა). თუ

კი კონკრეტულ სატელეფონო ნომერზე მონაცემები განსხვავდება, მაშინ განმცხადებელს ეცნობება უარი კონკრეტულ სატელეფონო ნომერზე და ჩაითვლება რომ ამ კონკრეტულ ნომერზე განმცხადებლის მიერ განაცხადი არ გაკეთებულა.

3.9. 3.7. მუხლის მიხედვით ერთ სატელეფონო ნომერზე მაინც დადებითი პასუხის შემთხვევაში:

ა) 3 სამუშაო დღის ვადაში ხდება დაზიანების ბიუროში ნომრის ტექნიკური მდგომარეობის დადგენა. თუ კი კონკრეტულ სატელეფონო ნომრის პარამეტრები არ შეესაბამება შესაბამის ნორმებს, მაშინ განმცხადებელს ეცნობება უარი კონკრეტულ სატელეფონო ნომერზე და ჩაითვლება რომ ამ კონკრეტულ ნომერზე განმცხადებლის მიერ განაცხადი არ გაკეთებულა.

ბ) 3.7. მუხლის მიხედვით ერთ სატელეფონო ნომერზე მაინც დადებითი პასუხის შემთხვევაში 3 სამუშაო დღის ვადაში ხდება ამ კონკრეტული ნომრ(ებ)ის ინფორმაციის კროსში გაგზავნა.

გ) 3.9. ბ) პუნქტის მიხედვით გათვალისწინებული მოქმედებების დასრულებიდან 2 სამუშაო დღის ვადაში, ხდება კროსიდან ინფორმაციის მიღება და დაშვების მსურველი ოპერატორისათვის შეტყობინება წერილის სახით არაუმეტეს 20 დღის ვადაში, განცხადების მიღებიდან.

დ) 15 სამუშაო დღის ვადაში, სასადაგურო კროსში ხდება ნომრის ტექნიკური მდგომარეობის დადგენა და დაშვების (დაკროსირების) განხორციელება მოთხოვნის შესაბამისად.

4. თანალოკაციის ფართთან დაშვება ხორციელდება შპს „ ივერია ქსელის “ მიერ გამოქვეყნებული მოწვევის ოფერტით დაადგენილი წესით, რომელიც განსაზღვრავს თანალოკაციის ფართთან დაშვების პირობებს. ამასთან, იმ გასწვავებული პირობების გათვალისწინებით, რასაც განსაზღვრავს წინამდებარე მოწვევის ოფერტა.

5. სპილენძის სახაზო-საკაბელო წყვილების რესურსებთან და თანალოკაციის ფართთან დაშვების ხელშეკრულება გაფორმებულ იქნება აქცეპტის მიღებიდან 20 (ოცი) დღის ვადაში.

6. ექსტრაორდინალურ და ფორსმაჟორულ გარემოებებში მომსახურების მიმღების მხრიდან გამოწვეული ზარალი ანაზღაურდება მის მიერ სრულად.

7. მოწვევის ოფერტა ძალაში შედის 2015 წლის 1 იანვრიდან და მოქმედებს ძალაში შესვლიდან 1 წლის ვადით.

შპს „ ივერია ქსელის “

დირექტორი:

/გ. შეროზია/